

影印
文淵閣

四庫全書

影印

文淵閣四庫全書

第一四九〇冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

絕妙好詞箋

宋 周密編
查為仁箋……………一

厲鶚

樂府補題
花草粹編

宋 陳恕可輯……………一〇一
明 陳耀文編……………一二三

欽定四庫全書

集部
絕妙好詞箋卷一

詳校官中書_臣張姚成

侍讀_臣孫球覆勘

總校官檢討_臣何思鈞

校對官中書_臣高 中

謄錄監生_臣黃春暉

欽定四庫全書

集部十

絕妙好詞箋

詞曲類二 詞選之屬

提要

_臣等謹案絕妙好詞箋七卷絕妙好詞宋周密編其箋則

國朝查為仁厲鶚所同撰也密所編南宋歌詞始于張孝祥終于仇遠凡一百三十二家去

取謹嚴猶在曾慥樂府雅詞黃昇花菴詞選

欽定四庫全書

絕妙好詞箋
提要

之上又宋人詞集今多不傳併作者姓名亦不盡見于世零璣碎玉皆賴此以存于詞選中最高為善本初為仁採摭諸書以為之箋各詳其里居出處或因詞而考証其本事或因人而附載其佚聞以及諸家評論之語與其人之名篇秀句不見于此集者咸附錄之會鶚亦方箋此集尚未脫稿適遊天津見為仁所箋遂舉以付之刪復補漏合為一書今簡

端並題二人之名不沒其助成之力也所箋

多泛濫旁涉不盡切于本詞未免有嗜博之
樊然宋詞多不標題讀者每不詳其事如陸
淞之瑞鶴仙韓元吉之水龍吟辛棄疾之祝
英臺近尹煥之唐多令楊恢之二郎神非叅
以他書得其源委有不解為何語者其疏通
證明之功亦有不可泯者矣密有癸辛襟識
諸書鶚有遠史拾遺諸書皆別著錄為仁字

欽定四庫全書

絕妙好詞箋
提要

三

心穀號蓮坡宛平人康熙辛卯舉人是集成
于乾隆己巳刻于庚午鶚序稱其尚有詩餘
紀事如干卷今未之見殆未成書歟乾隆四
十六年四月恭校上

總纂官臣紀昀臣陸錫熊臣孫士毅

總校官臣陸費瑔

絕妙好詞箋序

絕妙好詞七卷南宋弁陽老人周密公謹所輯宋人選
本朝詞如曾端伯樂府雅詞黃叔暘花菴詞選皆讓其
精粹蓋詞家之準的也所采多紹興迄德祐間人自二
三鉅公外姓字多不著夫士生隱約不得樹立功業炳
煥天壤僅以詞章垂稱後世而姓字猶在若滅若沒間
無人為從故紙堆中抉剔出之豈非一大恨事耶津門
查君蓮坡研精風雅耽玩倚聲披閱之暇隨筆劄記輯

欽定四庫全書

絕妙好詞箋
序

一

有詩餘紀事如干卷于是編尤所留意特為之箋不獨
諸人里居出處十得八九而詞中之本事詞外之佚事
以及名篇秀句零珠碎金擿拾無遺俾讀者展卷時恍
然如聆其笑語而共其游歷也予與蓮坡有同好向嘗
綴拾一二每自矜初獲會以衣食奔走不克卒業及來
津門見蓮坡所輯頗有望洋之歎并舉以付之次第增
入焉譬諸掇遺材以裨建章投片瓊以厠懸圃其為用
不已微乎蓮坡通懷集益猶不忘所自必欲附賤名於

簡端辭不得已因述其顛末如此云乾隆戊辰閏七夕
前三日錢唐厲鶚書於津門之古春小茨

欽定四庫全書

絕妙好詞箋

二

欽定四庫全書

絕妙好詞箋卷一

宋周密原輯

宛平查為仁

錢塘厲鶚同箋

張孝祥

孝祥字安國號于湖烏江人紹興二十四年廷對
第一授承事郎簽書鎮東軍判官累遷中書舍人
直學士院兼督府參贊軍事領建康留守尋以荆
南湖北路安撫使進顯謨閣直學士致仕有于湖
集詞一卷

欽定四庫全書

絕妙好詞箋

一

湯衡序紫微詞云于湖平昔為詞未嘗著藁筆酣
興健頃刻即成無一字無來處

念奴嬌過洞庭

洞庭青草近中秋更無一點風色玉界瓊田三萬頃著
我扁舟一葉素月分輝明河共影表裏俱澄澈悠然心
會妙處難與君說應念嶺表經年孤光自照肝膽皆
冰雪短鬢蕭疎襟袖冷穩泛滄溟空濶盡吸西江細斟
北斗萬象為賓客叩舷獨嘯不知今夕何夕

四朝聞見錄云張于湖嘗舟過洞庭月照龍堆金
沙盞射公得意命酒唱歌所作詞呼羣吏而酌之

曰亦人子也其坦率皆類此
崔山魏了翁跋此詞真蹟云張于湖有英姿奇氣
著之湖湘間未為不遇洞庭所賦在集中最為傑
特方其吸江酌斗賓客萬象時詎知世間有紫微
青瑣哉

西江月 丹陽湖

問訊湖邊柳色重來又是三年春風吹我過湖船楊柳
絲絲拂面 世路如今已慣此心到處悠然寒光亭下
水連天飛起沙鷗一片

欽定四庫全書

輿地紀勝云丹陽湖在當塗縣東南六十九里杜
預注云春秋宣城縣西南有桐水出白石山西北

入丹陽是也

按景定建康志載此詞云題溧陽三塔寺按志三
塔湖一名梁城湖在溧陽縣西七十里又云溧水
西承丹陽湖自東壩成丹陽湖水不復通本縣界
岳珂玉楮集亦云溧陽三塔寺寒光亭柱上刻張
于湖詞自當以建康志為據

清平樂

光塵撲撲宮柳低迷綠鬪鴨闌干春詒曲簾額微風繡
感 碧雲青翼無憑困來小倚雲屏楚夢不禁春晚黃
鸝猶自聲聲

菩薩蠻

東風約畧吹羅幙一簾細雨春陰薄試把杏花看溼雲

嬌暮寒 佳人雙玉枕烘醉鴛鴦錦折得最繁枝暖香

生翠帷

雲一作紅

詞旨警句盡吸西江細斟北斗萬象為賓客叩船
獨笑不知今夕何夕念奴嬌寒光亭下水連天飛
起沙鷗一片西江月

能改齋漫錄去年今日從駕遊西苑彩仗壓金
波看水戲魚龍曼衍寶津南殿宴坐近天顏金
盃酒君王勸頭上宮花顫六軍錦繡萬騎穿楊
箭日暮翠華歸擁鉤天笙歌一片如今關外十
里未歸人前山雨西樓晚望斷思君眼此陳濟
翁薦山溪也舍人張孝祥知潭州因宴客妓有
韻此至金盃酒君王勸頭上宮花顫其首自為

欽定四庫全書

之搖動者數四坐客忍笑指目者甚眾而張竟
不覺也

癸辛雜識張于湖知京口王宣子代之多景樓
落成于湖為大書樓扁公庫送銀二百兩為潤
筆于湖却之但需紅羅百匹於是大宴合樂酒
酣于湖賦詞命妓合唱甚懽遂以紅羅百疋犒

之 吳禮部別集詩話于湖玩鞭亭晉明帝規王敦
營壘處自溫庭筠賦詩後張文潛又賦于湖曲
以正湖陰之誤詞皆奇麗警拔膾炙人口張安
國賦滿江紅云千古淒涼興亡事但悲陳迹凝
望眼吳波不動楚山叢碧已滇綠駿追風遠武
昌雲旆連天赤笑老姦遺臭到如今留空壁邊
書靜烽烟息通軺傳銷鋒鏑仰太平天子聖明
無敵處踏揚州開帝里渡江天馬龍為匹看東
南佳氣鬱蔥蔥傳十億雖間采溫張語而詞氣

亦不在其下嘗見安國大書此詞後題云乾道元年正月十日筆勢奇偉可愛
于湖詞西江月十里輕紅自笑兩山濃翠相呼
意行著脚到精廬借我繩床小住解飲不妨文
字無心更狎鷗魚一聲長嘯暮烟孤袖手西湖
歸去

范成大

成大字致能號石湖吳郡人紹興二十四年進士
孝宗時累官權吏部尚書拜參知政事進資政殿
學士提舉洞霄宮卒謚
文穆有石湖集詞一卷

醉落魄

栖鳥飛絕絳河綠霧星明滅燒香曳簾眠清樾花影吹

欽定四庫全書

絕妙好詞箋
卷一

四

笙滿地淡黃月 好風碎竹聲如雪昭華三弄臨風咽
鬢絲撩亂綸巾折涼滿北窗休共軟紅說

朝中措

長年心事寄林扃塵鬢已星星芳意不如水遠歸心欲
與雲平 留連一醉花殘日永雨後山明從此量船載
酒莫教閑却春情

眼兒媚

酣酣日脚紫烟浮妍暖試輕裘困人天氣醉人花底午

夢扶頭 春慵恰似春塘水一片穀紋愁溶溶洩洩東
風無力欲皺還休

憶秦娥

樓陰缺闌干影卧東廂月東廂月一天風露杏花如雪

隔烟催漏金虬咽羅幃暗淡燈花結燈花結片時春

夢江南天濶

霜天曉角

晚晴風歇一夜春威折脈脈花疎天淡雲來去數枝雪

欽定四庫全書

絕妙好詞箋
卷一

五

勝絕愁亦絕此情誰共說惟有兩行低鴈知人倚畫

樓月

詞旨警句花影吹笙滿地淡黃月醉落魄燈花結
片時春夢江南天濶憶秦娥惟有兩行低鴈知人
倚畫樓月霜天曉角

劉克莊後村集詩話范石湖南柯子云悵望梅
花驛凝情杜若洲香雲低處有高樓可惜高樓
不近木蘭舟緘素雙魚遠題紅片葉秋欲憑江

水寄離愁江已東流那肯更西流
澄懷錄范石湖云淳熙己亥重九與客自閭門

汎舟徑橫塘宿霧一白垂垂欲雨至綠雲橋氛
翳豁然晴日滿空風景閒美無不與人意會四

郭刈熟露積如綠垣田家婦子著新衣畧有節
物挂帆邈邈越來溪潦收淵澄如行玻璃地上菱

踏莎行

院落深沈池塘靜簾鈎捲上梨花影寶箏拈得鴈難
尋篆香消盡山空冷 釵鳳斜敧鬢蟬不整殘紅立褪

慵看鏡杜鵑啼月一聲聲等閒又是三春盡

夷堅志紹興間余在臨安試詞科三場畢與五
友同過抱劍街孫氏小樓夜月如畫正臨閣憑
几兩燭結花燦然若連珠孫倡點慧白坐中曰
今夕桂魄皎潔燭花呈祥五君較藝蘭省其高
擬不疑請各賦一詞為他日佳話何自明即操
筆作浣溪沙一闕云草草杯盤訪玉人燈花呈
喜生添春邀郎覓句要清新黛淺波嬌情脈脈
雲輕柳弱意真真從今風月屬閒人眾傳觀歡

欽定四庫全書

純妙好詞箋

七

賞獨恨其末句失意余續臨江仙曰綺席流歡
歡正洽高樓佳氣重重釵頭小篆燭花紅直須
將喜事來報主人公桂月十分春正半廣寒宮
殿匆匆姮娥相對曲闌東雲梯知不遠平步躡
東風孫滿酌一觥相屬相勸曰學士必高中此
瑞殆為君設也已而果奏名賜第餘皆不偶

陸游

游字務觀山陰人以蔭補登仕郎隆興初賜進士
出身范成大帥蜀為參議官以文字交不拘禮士
人譏其類放因自號放翁嘉泰初詔同修國史墮
寶章閣待制有劍南集詞二卷
劉潛夫云放翁稼軒一掃纖豔不事穿鑿高則高
矣但時時掉書袋要是一癖

朝中措

梅

洪邁

石湖詞浪淘沙點淡養花天小雨能慳烟輕雲
薄有無間官柳絲絲都綠過猶有春寒空翠溼
征鞍馬首千山多情若是肯俱還別有玉杯承
露冷留共君看玉杯官舍中牡丹絕品也
苦薩蠻云雪林一夜收寒了東風慳向燈前到
今夕是何年新春新月圓綺叢香霧隔猶記疎
狂客留取縷金
旛夜蛾相並看

欽定四庫全書

純妙好詞箋

六

邁字景盧號野處又號容齋都陽人忠宣公皓子
紹興十五年登第兄文惠迺文安遵皆中博學宏
詞科由是三洪名滿天下累遷吏禮二部員外郎
尋進煥章閣學士知紹興告老以端明殿學士致
仕卒謚文敏有容齋五筆夷堅志萬首唐人絕句
野處類藁行于世

幽姿不入少年場無語只淒涼一箇飄零身世十分冷淡心腸江頭月底新詩舊恨孤夢清香任是春風不管也曾先識東皇

烏夜啼

金鴨餘香尚暖綠窻斜日偏明蘭膏香染雲鬟膩釵墜滑無聲冷落鞦韆伴侶闌珊打馬心情繡屏驚斷滿湘夢花外一聲鶯

又

欽定四庫全書

婉妙好詞卷一

紈扇嬋娟素月紗巾縹緲輕煙高槐葉長陰初合清潤雨餘天弄筆斜行小草鉤簾淺醉閒眠更無一點塵埃到枕上聽新蟬

鶴林玉露陸務觀農師之孫有詩名恃酒頗放因自號放翁作詞云橋如虹水如空一葉飄然

煙雨中天教稱放翁晚年為韓平原作南園記除從官楊誠齋寄詩云君居東浙我江西鏡裏新添幾縷絲花落六回疎信息月明千里兩相思不應李杜翻鯨海更羨夔龍集鳳池道是樊川輕薄殺猶將萬戶比千詩蓋切砥之也然南園記唯勉以忠獻之事業無諛辭晚年和平粹美有中原承平時氣象朱文公喜稱之者舊續聞陸放翁官南昌日代還有贈別詞云

雨斷西山晚照明悄無人幽夢自驚說道去多時也到如今真箇成行遠山已是無心畫小樓空斜掩繡屏你噤早收心呵趁劉郎雙鬢未星又聞居三山日方務德侍郎攜妓訪之公有詞云三山山下閒居士巾屨蕭然小醉閒眠風引飛花落釣船並不載於集

齊東野語放翁在蜀日有所盼賦詩云碧玉當年未破瓜學成歌舞入侯家如今頗領蓮窻底飛上青天妬落花出蜀後每懷舊遊多見之賦咏有云金鞭珠彈憶春遊萬里橋東畫樓夢倩曉風吹不斷書憑春雁寄無由鏡中顏鬢今如此席上賓朋好在否箇有吳牋三百箇擬將細字說春愁又云裘馬清狂錦水濱最繁華地作閒人金壺投箭消長日翠袖傳杯領好春幽鳥語隨歌處拍落花鋪作舞時茵悠然自適君知否身與浮名孰重輕又以此詩藥括作風入

欽定四庫全書

婉妙好詞卷一

松云十年裘馬錦江濱酒隱紅塵黃金選勝鶯花海倚疎狂驅使青春弄笛魚龍盡出題詩風月俱新自憐華髮滿紗巾猶是官身鳳樓曾記當時語問浮名何似身親欲寫吳牋說與這回真箇閒人前輩風流雅韻猶可想見也

陸淞

淞字子逸號雲溪山陰人者舊續聞云陸辰州子逸左承佃之孫晚以疾廢卜築於秀野越之佳山水也放傲世間不復有營念對客則終日清談不倦尤好語前輩事

瑞鶴仙

臉霞紅印枕睡覺來冠兒還是不整屏間麝煤冷但眉

峰壓翠淚珠彈粉堂深畫永燕交飛風簾露井恨無人
說與相思近日帶圍寬盡 重省殘燈朱幌淡月紗窗
那時風景陽臺路迴雲雨夢便無準待歸來先指花梢
教看却把心期細問問因循過了青春怎生意穩

者舊續聞云南渡初南班宗子寓居會稽為近屬
士園亭甲於浙東一時坐客皆騷人墨士陸子逸
嘗與馬士有侍姬盼盼者色藝殊絕公每屬意焉
一日宴客偶睡不預捧觴之列陸因問之士即呼
至其枕痕猶在臉公為賦瑞鶴仙有臉霞紅印枕
之句一時盛傳逮今為雅唱後盼盼亦歸陸氏
張叔夏云景中
帶情屏去浮豔

欽定四庫全書

絕妙好詞箋

十

韓元吉

元吉字无咎號南礪許昌人門下侍郎維四世孫
東萊先生呂伯恭之外舅也官至吏部尚書有焦
尾集詞一卷子
流仲止有詩名

水龍吟

雨餘疊嶂浮空望中秀色仙都是洞天未鎖人間春老
玉妃曾墜錦瑟繁絃鳳簫清響九霄歌吹問分香舊事
劉郎去後知誰伴風前醉 回首暝煙千里但紛紛落
紅如洗多情易老青鸞何許詩成誰寄耳轉參橫半簾

花影一溪寒水悵飛鳧路杳行雲夢遠有三峰翠

者舊續聞云元豐中縉雲令開封李長卿女慧性
過人姿度不凡染疾遊殯於邑之仙巖寺三峰閣
李公罷因昇歸宣和庚子青溪冠起焚燎無遺惟
三峰閣獨存主簿以為解舍濟南王傳慶及內表
曹穎偕來館曹于廳治之東一夕有女子打扇而
至與語皆出塵氣詰其姓氏曰開封李長卿女李
萼其名英華其字辟穀有年身輕於羽知子鰥居
故來相慰唱和殆無虛日曹有親陳觀察挽之從
軍將就道英華與訣曰妾與君之緣斷矣子宿緣
寡淺塵業未償他日當有兵難敬授靈香一瓣有
急請燕以告當陰有所護不然亦無如之何也曹
公勇為朔方之行不意獲譴麾下追惟英華之言
欲取所遺香燕之軍行無宿火卒正法英華詩有
云醒酒清風搖竹去催詩小雨過山來非詩人所

欽定四庫全書

絕妙好詞箋

十

易到也
文獻通考云英華集三卷李萼為鬼仙縉雲人
傳其詩亦怪矣
墨莊漫錄云處州縉雲簿廳為武尉司頃有一婦
人常現形與人接妍麗閒婉有殊色其來也異香
芬馥非世間之香自稱曰英華或曰綠華前後官
此者多為所惑永嘉蔣輝遠為邑簿祠以香火其
怪遂絕

好事近

汴京
賜宴

凝碧舊池頭一聽管絃淒切多少梨園聲在總不堪華
髮 杏花無處避春愁也傍野花發惟有御溝聲斷似
知人嗚咽

金史交聘表云大定十三年三月癸巳朔宋遣試
禮部尚書韓元吉利州觀察使鄭興裔等賀萬春
節按宋孝宗乾道九年為金世宗大定十三年南
澗汴京賜宴之詞當是此時作

姚寬

寬字令威號西溪會稽續志姚寬陳人以父舜明
任補官權尚書戶部員外郎樞密院編修官詞章
之外頗工篆隸及工伎之事請用韓世忠舊法以
意增損為三弓合蟬弩詔許之既成矢激二里所
中皆沒羽又嘗論大駕鹵簿指南車得古不傳之
法所著有西溪集十卷注司馬遷史記一百三十
卷西溪叢語一卷玉璽書一卷葉水心跋西溪集
云公著書二百卷古今同異無不繫括惜其盛年
不預采錄晚始召對
殿中忽感風眩而死

欽定四庫全書

絕妙好詞箋
卷一

十三

菩薩蠻

斜陽山下明金碧畫樓返照融春色睡起揭簾旌玉人
蟬鬢輕 無言空竚立花落東風急燕子引愁來眉愁
那得開

生查子

郎如陌上塵妾似堤邊樹一作絮相見兩悠悠揚蹤跡無尋
處 酒面撲春風淚眼零秋雨過了別離時還解相思
否

吳琚

琚字居父號雲壑汴人憲聖太后之姪太寧郡王
益之子歷尚書郎部使者直學士慶元間以鎮安
節度使留守建康遷少
保卒謚忠惠有雲壑集

柳梢青

元日
立春

綵仗鞭春椒盤迎旦斗柄回寅拂面東風雖然料峭終
是寒輕 帶花折柳心情怎捱得元宵放燈不是東園有
些殘雪先去踏青

浪淘沙

欽定四庫全書

絕妙好詞箋
卷一

十三

雲葉弄輕陰屋角鳩鳴青梅著子欲生仁冷落江天寒
食雨花事闌情 池館畫盈盈人耐寒輕一川芳草只
銷疑時有入簾新燕子明日清明

又

岸柳可藏鴉路轉溪斜忘機鷗鷺立汀沙咫尺鐘山迷
望眼一半雲遮 臨水整烏紗兩鬢蒼華故鄉心事在
天涯幾日不來春便老開盡桃花

景定建康志引此詞題云游青溪呈馬野亭野亭
跋其後云秦淮海之詞獨擅一時字未聞米寶晉

善詩然終不及字若公可謂兼之矣辛酉季春承
議郎充江南東路轉運司主管文字馬之純謹書
武林舊事淳熙九年八月十八日駕詣德壽宮
奉迎上皇觀潮百戲撮弄各呈技藝上皇喜曰
錢唐形勝天下所無上起奏曰江潮亦天下所
獨宣諭侍臣各賦詩江月一闕至晚呈上以吳
琚為第一其詞曰玉虹遙挂望青山隱隱恍如
一抹忽覺天風吹海立好似春霆初發白馬凌
空瓊龍駕水日夜朝天閣飛龍舞鳳鬱蔥環拱
吳越此景天下應無東南形勝偉觀真奇絕好
是吳兒飛絲織蹴起一江秋雪黃屋天臨水犀
雲擁看擊中流楫晚來波靜海門飛上明月兩
宮賞賜無限
至月上始還

辛棄疾

欽定四庫全書

絕妙好詞箋

十四

棄疾字幼安號稼軒歷城人耿京聚兵山東節制
忠義軍馬留守書記奉表來歸高宗召見授承務
郎差簽判江陰累官浙東安撫加龍圖閣待制樞
密院都承旨德祐初以謝枋得請贈少師謚忠敏
有稼軒長短句十二卷

劉後邨云公所作大聲鐙鞞小聲鏗鉤橫絕六合
掃空萬古其穠麗綿密者亦不在小晏秦郎之下

摸魚兒

更能消幾番風雨
思思春又歸去
惜春長怕花開早
何況落紅無數
春且住見說道天涯芳草無歸路
怨春不語算只有殷勤畫簷蛛網盡日惹飛絮
長門事準擬

佳期又誤蛾眉曾有人妬
千金縱買相如賦
脈脈此情誰訴
君莫舞君不見玉環飛燕皆塵土
閒愁最苦休去倚危欄斜陽正在烟柳斷腸處

鶴林玉露云辛幼安晚春摸魚兒詞意殊怨斜陽
烟柳之句比之未須愁日暮天際是輕陰者異矣
使在漢唐時寧不賈種豆種桃之禍哉愚聞壽皇
見此詞頗不悅然終不加罪可謂盛德也已

瑞鶴仙

梅

雁霜寒透幙正護月雲輕嫩冰猶薄
溪奩照梳掠想含香弄粉靚妝難學
玉肌瘦弱更重重龍綃襯著倚東風

欽定四庫全書

絕妙好詞箋

十五

一笑嫣然轉盼萬花羞落
寂寞家山何在雪後園林
水邊樓閣瑤池舊約鱗鴻更仗誰託
粉蝶兒只解尋花
覓柳開偏南枝未覺但傷心冷淡黃昏數聲畫角

祝英臺近

寶釵分桃葉渡煙柳暗南浦
怕上層樓十日九風雨斷腸點點飛紅都無人管
倩誰勸啼鶯聲住鬢邊覩應把花卜歸期
纔簪又重數羅帳燈昏更咽夢中語是他春帶愁來
春歸何處却不解帶將愁去

貴耳集云呂婆呂正己之妻正己為京畿漕有女
事辛幼安因以微事觸其怒竟逐之今稼軒桃葉

渡詞因此而作
詞旨警句應把花卜歸期纔替又重數祝英臺近

是他春帶愁來春歸何處却不解帶將愁去同上
歸潛志党懷英辛棄疾少同舍屬金國初亂辛

率數千騎南渡顯于宋党在北擢第八翰林二
公皆有榮寵後辛退閑有鷓鴣天云壯歲旌旗

擁萬夫錦鞵突騎渡江初燕兵夜捉銀胡索漢
箭朝飛金僕姑思往事歎金吾春風不染白髭

鬚都將萬字平戎策換得東郊種樹書
清波別志稼軒在上饒屬其室病呼醫對脈吹

笛婢名整整者侍側乃指以謂醫曰老妻病安
以此人為贈不數日果勿藥乃踐前約整整去

因口占好事近云醫者索酬勞那得許多錢帛
只有一箇整整也合盤盛得下官歌舞轉淒涼

欽定四庫全書

絕妙好詞箋

十六

賸得幾枝笛觀著者般火色告媽媽將息一時
戲謔風調不羣

太平清話鉛山縣南二里許有稼軒書院分水
嶺下厥墓在焉張堃古山樂府水龍吟醉辛稼

軒墓云嶺頭一片青山可能埋沒淩雲氣避方
異域當年滴盡英雄清淚星斗撐腸雲煙盈紙

縱橫遊戲謔人間留得陽春白雪千載下無人
繼不見戰門華第見蕭蕭竹枯松悴問誰料理

帶湖煙景瓢泉風味萬里中原不堪回首人生
如寄且臨風高唱道遙舊曲為先生醉

劉過

過字改之號龍洲道人太和人育龍洲集詞一

也黃叔暘云改之稼軒之客詞多壯語蓋學稼軒者

陶九成云改之造
詞膽遠有思致

賀新郎

老去相如倦向文君說似而今怎生消遣衣袂京塵曾
染處空有香紅尚軟料彼此魂銷腸斷枕新涼眠客
舍聽梧桐疎雨秋聲顫燈暈冷記初見樓低不放珠
簾捲晚妝殘翠鈿狼籍淚痕凝臉人道愁來須殢酒無
奈愁多酒淺但託意焦琴紈扇莫鼓琵琶江上曲怕荻
花楓葉俱淒怨雲萬疊寸心遠

欽定四庫全書

絕妙好詞箋

十七

龍洲詞題云去年秋余試牒四明賦贈老娼至今
天下與禁中皆歌之江西人來以為鄧南秀詞非

唐多令

蘆葉滿汀洲寒沙帶淺流二十年重到南樓柳下繫船
猶未穩能幾日又中秋黃鶴斷磯頭故人今在否舊
江山總是新愁欲買桂花重載酒終不似少年遊

龍洲詞題云安遠樓小集侑觴歌板之姬黃其姓
者乞詞於龍洲道人為賦此唐多令同柳阜之劉
去非石民瞻周嘉仲陳孟參孟容時八月五日也
花菴詞選題云重過武昌

醉太平

情高意真眉長鬢青小樓明月調箏寫春風數聲思

君憶君魂牽夢縈翠銷香暖雲屏更那堪酒醒

詞旨警句翠銷香暖雲屏更那堪酒醒

吹劍錄稼軒帥越招劉改之不去乃寄情沁園
春曰斗酒歲肩風雨渡江宜不快哉被香山居
士約林和靖與東坡老駕勒吾回坡謂西湖正
如西子濃抹淡妝臨照臺二人者俱掉頭不顧
只管傳杯白云天竺去來看金碧崢嶸圖畫開
更縱橫一澗東西水遠兩山南北高下雲堆通
曰不然暗香疎影何似孤山先探梅須晴去訪
稼軒未晚且此徘徊此詞雖粗而局段高與三

欽定四庫全書

絕妙好詞

六

賢游固可親視稼軒視林白之清致則東坡所
謂淡妝濃抹已不足道稼軒富貴焉能免我哉
江湖紀聞劉改之性疎豪好施辛稼軒客之稼
軒帥淮時改之以母病告歸囊橐蕭然夕稼
軒與改之微服登倡樓適一都吏命樂飲酒以
知為稼軒也命左右逐之二公大笑而歸即以
為有機密文書喚某都吏其夜不至稼軒欲籍
其產而流之者數十皆不能解遂以五千緡
為改之母壽請言于稼軒稼軒曰未也令倍之
都吏如數增作萬緡稼軒為買舟于岸舉萬緡
于舟中曰可即行無如常日輕用也改之作念
奴嬌為別云知音者少算乾坤許大著身何處
直待功成方肯退何日可尋歸路多景樓前垂
虹亭下一枕眠秋雨虛名相誤十年狂費辛苦
不是秦賦明光上書北闕無驚人之語我自勿
忙天不肯贏得衣裾塵土白壁堆前黃金買笑

謝懋

付與君為主尊鱸江上浩然明月歸去
游宦紀聞予於荊碣高九萬處見蘇紹叟手書
憶劉改之摸魚兒一闌云望闕河試窮遠眼新愁
似絲千縷劉郎豪氣今何在應是九疑三楚堪
恨處使拚得一生寂寞長羈旅無人寄語但弔
夢傷桃邊松倚竹空憶舊詩句文章事到底將
身自誤功名難料遲暮鷄衣單食年年瘦受侮
世間兒女君信否盡縣簿高門歲晚誰青顏何
如引去任樵上張鷟山中李廣商畧儘風度韶
叟有冷然詩集十卷行於世

懋字勉仲有靜寄
居士樂章二卷

黃叔賜云居士樂章吳坦伯明為序稱其
片言隻字夏玉敲金蘊藉風流為世所賞

欽定四庫全書

絕妙好詞

十九

薦山溪

厭厭睡起無限春情緒柳色借輕煙尚瘦怯東風倦舞
海棠紅皺不奈晚來寒簾半捲日西沈寂寞閒庭戶
飛雲無據化作溟濛雨愁裏見春來又只恐愁催春去
惜花人老芳草夢淒迷題欲徧瑣窗紗總是傷春句

風入松

老年常憶少年狂宿粉棲香自憐獨得東君意有三年
窺宋東牆笑舞落花紅影醉眠芳草斜陽事隨春夢

去悠揚休去思量近來眼底無姚魏有誰更管領年芳
換得河陽衰鬢一簾煙雨梅黃

浪淘沙

黃道雨初乾霽靄空蟠東風楊柳碧參參燕子不歸花
有恨小院春寒倦客亦何堪塵滿征衫明朝野水幾
重山歸夢已隨芳草綠先到江南

霜天曉角

桂花

綠雲剪葉低護黃金屑占斷花中聲譽香和韻兩清潔

欽定四庫全書

純妙好詞箋
卷一

三

勝絕君聽說當時來處別試看仙衣猶帶金庭露玉

階月

詞旨警句燕子不歸花
有恨小院春寒浪淘沙

章良能

良能字達之麗水人淳熙五年進士除著作佐郎
嘉泰元年為起居舍人寧宗朝居兩制登政地謚
文莊有嘉
林集百卷

小重山

柳暗花明春事深小闌紅芍藥已抽簪雨餘風軟碎鳴

禽遲遲日猶帶一分陰往事莫沈吟身閒時序好且
登臨舊游無處不堪尋無尋處惟有少年心

齊東野語外大父文莊章公自少好雅潔性滑稽
居一室必沉埽圻飾陳列琴書親朋或譏其齷齪
無遠志一日大書素屏云陳蕃不事一室而欲埽
除天下吾知其無能為矣識者知其不凡間作小
詞極有思致先姚能口
誦數首小重山云云

陳亮

亮字同甫號龍川永康人隆興初以解頭薦上中
興五論不報居太學上舍紹興四年光宗親策進
士擢為第一授建康軍簽判未至官病一夕而卒
端平初謚文毅有龍川集詞二卷

欽定四庫全書

純妙好詞箋
卷一

三

葉水心云同甫長短句四卷每一章成輒自歎曰
平生經濟之懷畧已陳矣予所謂微言多此類也

水龍吟

鬧花深處層樓畫簾半捲東風軟春歸翠陌平莎茸嫩
垂楊金淺遲日催花淡雲閣雨輕寒輕暖恨芳菲世界
游人未賞都付與鶯和燕寂寞憑高念遠向南樓一
聲歸雁金釵鬪草青絲勒馬風流雲散羅綬分香翠綃
封淚幾多幽怨正銷魂又是疎煙淡月子規聲斷

詞旨屬對羅綬分香翠綃封淚
龍川詞好事近咏梅云的驪三兩枝點破暮煙